

雲龍州志

雲龍州志

雲龍州志卷三

大理府雲龍州知州陳希芳纂修

疆域

附山川

形勢

里砦

場市

津梁

勝景

古蹟

凡志皆詳載版圖非徒正疆界且以資防禦也

雲龍僻在西鄙而壤接于永騰麗蘭之交幅員

遼濶山谿高險叢篁密箐中率多為諸彝窟宅

里砦關津所係匪細使無籍可口籌邊者將安

所據况欲問夫仙踪勝覽也哉口口括簡端庶

五雲之疆運於掌上矣志疆域

州署

在府治西五百里東至自砥柱橋起五

里至郵亭又五里至瓦工橋又十里至太平哨

又五里至木瓜籠橋又五里至石門井又七里

至大井又三里至天耳井又二里至山井又十五

里至新關哨又二十里至關坪又十五里至九

渡又二十里至三哨賢又五里至雲浪分疆共

一百一十七里交浪穹縣界

南至自砥柱橋起五里至瓦草河橋又十五

里至新安村又四十里至坡脚又十五里至乾

海子共八十五里交永平縣界

西至自州治起十五里至箐門口又三十里越十八寨至者羅哨又二十五里至瀾滄江蘓溪大渡口至此山勢開展分南北兩路一自大渡口西南行五里至三七舊城又八里至舊州又三十里至湯澗又二十里至湯鄧又三十里至三台坡又二十里至雪冲又二十里至漕澗又四十里至孫足共二百五十里交保山縣界一自大渡口西北行七里至下塢又四里至趾

岡又五里至松木村小渡口又十里至魯羗此
間又分二路 一西北行七十里至趕馬撒又
六十里至六庫共二百二十六里交潞江片馬
魚洞隙地 一北行四十里至鐵門坎又三十
里至早牙又十五里至表村共一百一十五里
交蘭州界

北至自砥柱橋起三十里至石門井山勢兩開
因分二路 一登山行十五里至諾鄧井又二
十里至蝦蟆哨又三十里至煉場又十五里至

大波浪又十五里至大覽橋又十里至燕子窩
又五里至沙浪又二十里至水場又二十里至
順盪井又三十里至金鷄哨共二百一十里交
蘭州界 一自石門河口緣泚江行十五里至
果苴郎又十五里至官庄又十里至湯鄧又五
里至石場又十五里至鷄邑村又十里至清朗
又十里至蕎地登又十里至師井又十里至弄
居共一百三十里交蘭州界東西廣三百七十
里南北廣二百一十五里計一千三百九十里

至於省九千九百里達於京師

山川

德龍山 在州署後為主山形似三台氣脉凝厚

兩翼環抱中支蜿蜒而下為金泉河邊二井之源

象鼻山 在州署前面拱德龍端凝蹲峙

大雒馬山 在州治北五里懸崖陡絕曲磴參差

知州顧芳宗伐石斲道建郵亭於其上有記載

藝文

雍正五年知州陳希芳捐俸修治大路易險為平建石坊額曰雒馬仙踪有記載藝文

小雒馬山 在州署南一里三峯鼎峙橫踞沘江

之口

三崇山

瀾滄江外舊州西五里壁立萬仞三

峯入雲高不可上有行至山半者遇雷雨沙石
而止相傳上有龍湫甚靈境有災祥輒鳴以報
即古三危山也

彩鳳山

三七村後綿亘數百里至此峯巒疊

聳前舒兩翼宛如鳳翔

崑崙山

舊州北下塢以絕高得名

三台坡

湯鄧之西南以形似得名踰坡山勢

陡峻鑿坎以登一級尺餘逢逼窄處僅可容身
下臨萬仞故有糊獮梯倒馬坎之名山頂為雪
衝涼風直射積雪六月不解徧地皆毒草牲畜
食之立死

西山 憂窩砦之西有舊硎數口相傳為鐵礦
亦有言銅礦者

鐵門檻 魯羌北四十里懸崖萬丈下臨滄江
路在山腰沙石縱橫無蘿薜可扳又頑石當路
橫阻行者轉折數次方過偶一失足即墜江心

奇險特甚吳逆潰將胡國柱等逃竄至此計無
復之皆就擒

鳳頭山 在三七

蛾眉嶺 在湯鄧

鶴羽山 松木村西十餘里

滿崇山 十二閔諾鄧界為象山之祖涵脉出

焉昂翹千仞東眺蒼霞西望綉嶺居人常偵其

雲之聚散以占晴雨

湯鄧山 果苴郎之西南山高箐澗綿亘數十

里泚江經其下有舊槽硎十餘相傳為銀礦康熙五十二年奉憲開挖外面形似礦苗入內盡是石膏煎鍊無成工本耗折兩月間悉逃散知州王漪申詳封閉

帝釋山 在十二閩

接天埤 師井西南鄉人禱天皆於此

瀾滄江 舊州東二里源出吐蕃鹿石山下本

名鹿滄江流於老君山之南過蘭州稱蘭滄江流入州境二百六十餘里兩山夾流迅急如箭

深不可測過水昌界迤邐而東入於南海相傳
為禹所導之黑水漢武帝通傳南山道渡蘭津
行者苦之歌曰漢德廣開不賓渡傳南越蘭津
渡蘭滄為他人即此

陵谷推遷今古異名如歷山石門尚真贗莫別
矧茲水僻在南服所謂華陽黑水安所據耶前
人聚訟多言唯李公茲土之良故特存其論焉
黑水辨

翰林
李元陽

太和

書禹貢黑水西河惟雍州華陽黑水為梁州又曰禹

導黑水至於三危入於南海傳論紛紛或謂其源出
某山流經某地或謂其跨河而南流或疑其世遠而
湮涸或謂三危在今麗江或謂竄三苗不應復在南
彝之地此皆出於臆度不足為據愚之所據知有經
文而已夫黑水之源固不可窮而入南海之水則可
數也夫隴蜀無入南海之水惟今滇之瀾滄江路江
二水皆由吐蕃西北來蓋與雍州相連但不知果出
張掖地否水勢並洶湧皆入南海是豈所謂黑水者
乎然潞江西南趨蜿蜒緬中內外皆彝其於梁州之

境若不相屬惟瀾滄由西北迤邐向東南徘徊雲南
罷縣之界至交趾入海今水內皆為漢人水外即為
彝緬則禹之所導於分別梁州界者惟瀾滄足以當
之孟津之會曰鬻人濮人以今考之皆在瀾滄江內
則瀾滄江之為黑水無疑矣理志謂南中山曰昆彌
水曰洛山海經曰洱水西流入於洛故瀾滄江又名
洛水言脈絡分明也元史至元二年大理勸農官張
立道使交趾泣黑水跨雲南以至其國觀此則瀾滄
江之為黑水益彰彰明矣若三危山即不在麗江亦

當不遠古今山川之名因革不可紀極夫不可移者
山川之蹟也隨時異稱者山川之名也不據不可移
之蹟而據易變之名亦末矣大都為傳論者未嘗知
三省地形但謂隴在蜀之北蜀在滇之東地而禹貢
言黑水為雍梁二州之界又入南海故不得不疑其
跨河知跨河非理又不得不疑其湮涸曾不知隴蜀
滇三名鼎足而立隴則西南斜長入蜀滇則西北斜
長近隴蜀則尖長入滇滇隴之間正如三足播然黑
水之源正在犛頭故雍以黑水為西界對西河而言

也梁以黑水為南界對華陽而言也蓋各舉兩端者
曰西河在雍東黑水在雍西華山在梁北黑水在梁
南云爾故曰梁州可移而華陽黑水之梁不可移也
梁雍之間其名黑水者非一然皆枝水而流又不入
南海諸葛亮箋所謂朝發南鄭暮宿黑水之類皆非
禹貢之黑水也元遣都實因水之流以窮河源遂得
其實事固有晦於前而明於後者今能因瀾滄江入
南海之流而窮其源則所謂黑水者可知也

泚江 在州署前源出蘭州老君山經順盪井又